

E schee Geschicht

De Schorsch rennt joo ab unn zu emol dorch die Geechend unn sacht, dess wär soi Hobby. Frieher hott merr doodriwwer gesacht: der dut soi Steckeferd reide, awwer dess sacht joo kooner mehr. Dess Wort iss genauso verschwunne wie des Steckeferd selwer. Debei konnsde derr doodrunner aach nit so vill vorstelle, was hott dann so e Kinnerspills-zeich mett so ner Liebhaberei ze due.

Ei wenn merr sich emol newer dess Mädsche setze wollt unn kooner sollt debei soi, dass merr schunn emol gesacht hott: Kann ich merr mol Ihne Ihr Briefmarkesammlung oogucke? Na ja, wer sommelt dann heit noch Briefmarke unn mett de Liebhaberei, dess wird heit irchendwie onnerst oogefonge, mett em Hendy, doo tippe die alls drufferum unn dann piepts irchendwo. Sachtsde awwer zu so oom, bei dir piepsts, dann hosde aach nit dess richdiche gesacht.

Es iss joo schunn erstaunlich, was mir nit so alles hawwe lerne misse, so in de letzte John. Awwer vill konnsde derr werklich nor noch von drauße oogucke, sozesache vonner höherne Wart, wobei die Wart ebbes iss, von wo aus ooner lauern dut.

Heit hawwe die Leit e Hobby – unn was ferr Hobbies se hawwe. Vor allem wenn se drauße mett ihrne Fahrräder, dene Maunten-Beiks ohne Schell, ei du heerst nor rausche unn bevor de uff die Seit hippe konnst, sinnse schunn vorbeigezischt. Doo musde Glick hawwe, dass dich nit umrenne.

Fußgänger unn Radfahrer, die basse nit zesomme.

Wenn ich merr dess alles so richdich iwwerleech, doo det ich gern noch emol e bisje jünger soi.

Odder die onnern, die

Eiern Honnes